

Adroddiad i:	Pwyllgor Archwilio Cymunedau
Dyddiad y Cyfarfod:	1 Mawrth 2012
Aelod Arweiniol / Swyddog:	Aelod Arweiniol yr Amgylchedd a Datblygu Cynaliadwy
Awduron yr Adroddiad:	Rheolwr Adfywio a Datblygu Morol /Rheolwr Rhaglen Y Rhyl yn Symud Ymlaen
Teitl:	Ffioedd a Thaliadau Angorfeydd Harbwr y Foryd

1. Beth yw testun yr adroddiad?

- 1.1 Mae'r adroddiad hwn yn cynnig cyfres o daliadau yn Harbwr y Foryd mewn perthynas ag angori cychod y sawl sy'n defnyddio'r Harbwr. 1 Ebrill 2012 yw'r dyddiad a argymhellir ar gyfer gweithredu'r taliadau newydd.
- 1.2 Credir bod gweithredu'r taliadau priodol i ddefnyddio cyfleusterau Harbwr Foryd yn elfen bwysig yn natblygiad achos busnes dilys i'r ardal; bydd yn darparu ar gyfer rheolaeth yr Harbwr i'r dyfodol a'i allu i gyfrannu'n effeithiol at y gymynrodd sy'n ofynnol o Raglen Y Rhyl yn Symud Ymlaen.
- 1.3 Os am sicrhau cyfleuster harbwr cynaliadwy, cydnabyddir bod angen cynhyrchu incwm i gyfrannu ar y lefel uchaf ymarferol tuag at ei gostau gweithredu a'i gostau cynnal yn y tymor hir.

2. Beth yw'r rheswm dros wneud yr adroddiad hwn?

- 2.1 Mae'n briodol bod defnyddiwr sy'n elwa o gyfleusterau'r Harbwr yn cyfrannu at gostau cynnal a chadw parhaus y cyfleusterau hynny.
- 2.2 I geisio cefnogaeth Archwilio i weithredu polisi codi taliadau am ddefnyddio'r angorfeydd a'r cyfleusterau morol yn Harbwr y Foryd.

3. Beth yw'r Argymhellion?

- 3.1 Argymhellir:
 - 3.1.1 Y dylid cymeradwyo bod y gyfres o daliadau sydd o fewn yr adroddiad hwn yn cael ei gweithredu ar 1 Ebrill 2012.

- 3.1.2 Y dylid rhoi disgownt o 50% i'r holl daliadau i'r flwyddyn sydd i ddod rhwng 1 Ebrill 2012 a 31 Mawrth 2012, gan fod gwaith datblygu yn digwydd o fewn yr harbwr.
- 3.1.3 Y dylid adolygu maint y disgownt yn flynyddol gan ystyried galw'r farchnad.
- 3.1.4 Y dylai cyfraddau lleol fod yn gymwys i Fae Cinmel a Thowyn (wardiau 12 & 13 yng Nghyngor Sir Bwrdeistref Conwy.)

4. Manylion yr Adroddiad.

- 4.1 Am sawl blwyddyn, mae angorfeydd wedi'u rhoi yn yr harbwr heb awdurdod, a heb roi llawer o ystyriaeth i ddefnyddio offer cywir na gofynion lechyd a Diogelwch; o ganlyniad, mae offer ansafonol yn cael ei ddefnyddio mewn sawl achos.
- 4.2 Yn 2010, penderfynodd Cyngor Sir Ddinbych y byddai'n adnewyddu tua 50% (41) o'r angorfeydd gyda'i stoc angorfeydd ei hunan fel rhan gyntaf y rhaglen adnewyddu angorfeydd, gan adael tua 50% o'r hen angorfeydd yn eu lle.
- 4.3 Er mwyn rheoli'r cyfleusterau angori yn Foryd, mae'r trefniadau angori wedi'u rhannu'n ddwy adran:
 - 4.3.1 Angorfeydd ym mherchnogaeth Cyngor Sir Ddinbych; dyma angorfeydd a gymerodd le adran orllewinol yr hen stoc angori yn 2010. Bydd yr Awdurdod yn cynnal yr angorfeydd hyn ac yn eu trwyddedu i ddefnyddwyr ar sail flynyddol.
 - 4.3.2 Angorfeydd cyfredol heb eu hawdurdodi yn y dwyrain, i'w cynnal gan y defnyddiwr dan drwydded o'r Awdurdod.
- 4.4 Angorfeydd ym Mherchnogaeth Sir Ddinbych
 - 4.4.1 Mae cam cyntaf y rhaglen adnewyddu angorfeydd wedi'i gwblhau gan ddarparu 41 o angorfeydd. Mae'r angorfeydd hyn wedi'u darparu i bwynt y boi angori. Cyfrifoldeb Cyngor Sir Ddinbych fydd gwasanaethu, archwilio ac adnewyddu'r offer hwn.
 - 4.4.2 Cyfrifoldeb perchennog y cwch fydd y dull o gysylltu'r cwch i'r boi. Bydd yr Awdurdod yn darparu manyleb i'r modd cysylltu, ond cyfrifoldeb y sawl sy'n defnyddio'r angorfa fydd darparu a chynnal y strop.
 - 4.4.3 Dangosir y taliadau a gynigir i ddefnyddio'r angorfeydd hyn yn adran 5.2 o'r adroddiad hwn, ac fe'u cynigir o ystyried y taliadau a godir yng Nghonwy, sy'n cynnig cyfleusterau angori tebyg, ond

fe'u cynigir ar lefel is i adlewyrchu ystyriaethau marchnad mewn perthynas â Harbwr y Foryd.

4.5 Angorfeydd cyfredol heb eu hawdurdodi

4.5.1 Yn rhan ddwyreiniol yr harbwr, mae'r angorfeydd cyfredol heb eu hawdurdodi yn dal i gael eu darparu gan y defnyddwyr eu hunain. Fel mesur interim, a hyd nes bod y prosiectau sy'n gysylltiedig â'r harbwr wedi'u cwblhau ac arian wedi'i ganfod ar gyfer gwaith adnewyddu mwy o angorfeydd, y bwriad yw ffurfioli'r trefniadau a chyflwyno strwythur rheoli priodol i sicrhau bod yr offer angori yn cyflawni manylebau priodol i'r cychod sy'n eu defnyddio.

4.5.2 Yn ôl y trefniadau interim a gynigir, bydd yn rhaid i holl bobl â diddordeb yn y maes hwn gofrestru eu hangorfeydd gyda'r Sir, sicrhau bod eu hoffer angori yn cyflawni manylebau a ddarparir gan yr Awdurdod, cynnal archwiliadau rheolaidd o'r offer angori gan syrfëwr awdurdodedig a sicrhau bod eu cychod a'u hoffer wedi'i yswirio'n briodol. Bydd y Swyddog Morol yn nodi ble ddylid lleoli'r angorfa ac yn cyflwyno cytundeb blynyddol i'r lle angori.

4.5.3 Dangosir y taliadau a gynigir i ddefnyddio'r angorfeydd hyn yn adran 5.3 yr adroddiad hwn, ac fe'u cynigir mewn ystyriaeth o'r taliadau a godir yn Llandrillo yn Rhos.

4.6 Tollau Harbwr

4.6.1 Yn ogystal â'r taliadau angori a gynigir ac a ddangosir yn yr adroddiad, credir y dylai'r holl gychod sy'n defnyddio'r Harbwr gyfrannu at y costau sy'n gysylltiedig â'i rheolaeth gyffredinol, a chynnal cyfleusterau di-angori fel ceiau, llithrfeydd, pontydd cychod, manau glanio, a goleuadau a nodau mordwyo, trwy dalu Tollau Harbwr. Dangosir y cyfraddau a gynigir i'r taliadau hyn yn adran 5.1 o'r adroddiad hwn.

4.7 Ymwelwyr

4.7.1 Dylid codi tâl ar gychod sy'n ymweld ag sy'n defnyddio'r Harbwr a'i gyfleusterau (cychod sydd ddim yn angori yma). Dangosir y cyfraddau a gynigir i'r categori hwn o ddefnyddwyr, sy'n cynnwys Tollau Harbwr yn adran 5.4 o'r adroddiad hwn.

5. **Ffioedd a Thaliadau (mae'r holl ffioedd a thaliadau yn cynnwys TAW)**

5.1 **Tollau Harbwr**

Mae'n rhaid i holl gychod (ac eithrio cychod sy'n dod o dan daliadau ymwelwyr) sy'n gweithredu allan o Harbwr y Foryd dalu Tollau Harbwr. Bydd hyn yn ychwanegol at y tâl angori.

Bydd y Tollau Harbwr yn seiliedig ar fand maint fesul angorfa yn hytrach na thâl y metr.

Cychod hyd at 8metr	£40.00 y/flwyddyn
Cychod 8.01metr i 10metr	£60.00 y/flwyddyn
Cychod 10.01metr i 12metr	£80.00 y/flwyddyn
Cychod dros 12metr	£100.00 y/flwyddyn

5.2 **Ffioedd Angori**

Bydd **angorfeydd a ddarperir gan Gyngor Sir Ddinbych** yn talu fesul angorfa, felly'r taliadau a gynigir fydd:

<i>Preswilydd Cyngor Sir Ddinbych</i>		<i>Heb fod yn Breswilydd Cyngor Sir Ddinbych (DCC + 20%)</i>
angorfa 8 metr	£300 y flwyddyn	£360.00 y flwyddyn
angorfa 10 metr	£375 y flwyddyn	£450.00 y flwyddyn
angorfa 12 metr	£450 y flwyddyn	£540.00 y flwyddyn

Angorfeydd ochr y môr o'r Bont Beiciau/Cerddwyr newydd.
Yr holl angorfeydd i fod ar y gyfradd 12 metr.

5.3 **Perchennog y Cwch yn darparu angorfa** (tâl i'w dalu am y cytundeb i osod angorfa ar dir Cyngor Sir Ddinbych)

Preswilydd Cyngor Sir Ddinbych
£18.75 y metr y flwyddyn

Heb fod yn Breswilydd Cyngor Sir Ddinbych (DCC + 20%)
£22.50 y metr y flwyddyn

5.3.1 **Cyfraddau Ymwelwyr (Cyfraddau ymwelwyr yn cynnwys Tollau Harbwr)**

1 – 7 Diwrnod Cynhwysol

Y Noson 8m a llai LOA £10.00 y noson

Ychwanegu £1.50 y metr dros 8m (uchafswm tâl £20.50 y noson)

8 Days and Over

Y Noson 8m a llai £7.00 y noson

Ychwanegu £1.05 y metr dros 8m (uchafswm tâl £14.35 y noson)

6. **Sut mae'r penderfyniad yn cyfrannu at y Blaenoriaethau Corfforaethol?**

- 6.1 Yr ailddatblygiadau o fewn ardal Harbwr y Foryd gan gynnwys y cei newydd, ardal storio cychod, llithrfa newydd, harbwr diogel, pont gerdded/beiciau newydd, stoc angori newydd ac unedau harbwr. Bydd

y datblygiadau hyn yn cyfrannu tuag at y flaenoriaeth gorfforaethol o adfywio ac adfywio Rhyl.

- 6.2 Bydd y ffioedd a'r taliadau a gynigir yn cyfrannu tuag at sicrhau bod yr harbwr yn gynaliadwy a sicrhau hefyd bod modd darparu'r lefel o reolaeth ac ariannu a fydd yn cynnal gwasanaeth o safon uchel yn y dyfodol.
- 6.3 Bydd y datblygiadau a'r trefniadau rheoli, gyda'r polisi codi tâl yn rhan hanfodol, yn cyfrannu at ddatblygiad cynllun Y Rhyl yn Symud Ymlaen.

7. Beth fydd yn ei gostio a sut fydd yn effeithio ar wasanaethau eraill?

- 7.1 Bydd gweithredu'r strwythur codi tâl hwn yn lleihau effaith ariannol negyddol y cyfleuster harbwr ar y Cyngor ac yn cyfrannu'r sylweddol at gynladwyedd y gwasanaeth a'r cyfleusterau.
- 7.2 Os na dderbynnir strwythur codi tâl, bydd y costau rheoli a chynnal a chadw parhaus yn parhau i syrthio ar yr Awdurdod, gyda phrin dim adnoddau penodol i ymdrin â'r gwariant.

8. Datganiad y Prif Swyddog Ariannol

Mae'r polisi codi tâl yn ffurfio rhan allweddol o'r achos busnes i ail-ddatblygu a gwella'r cyfleusterau yn yr harbwr.

9. Pa ymgynghoriadau a gynhaliwyd?

- 9.1 Yn y Pwyllgor Archwilio Cymunedau ar 19 Ionawr 2012, gohiriwyd yr adroddiad gyda chais i'r swyddogion gynnal ymgynghoriadau pellach gyda'r grwpiau defnyddwyr priodol a Fforwm Harbwr y foryd. Mae'r ymgynghoriadau canlynol wedi digwydd ers hynny.

9.2 Grŵp Ardal Aelodau Rhyl (28/09/11)

Trafodwyd y cynigion codi tâl yn Grŵp Ardal Aelodau Rhyl ar 28/09/11. Roedd yr aelodau a oedd yn bresennol yn deall yr angen i weithredu taliadau ac roeddynt yn gyffredinol gefnogol i'r cynnig. Nododd tri aelod nad oeddynt yn gefnogol gan fod eu dehongliad o drafodaethau cynharach wedi sicrhau defnyddwyr yr harbwr na ddylid codi tâl hyd nes bod yr holl angorfeydd yn yr harbwr wedi'u cwblhau.

9.3 Clwb Hwyllo Rhyl (24/01/12)

- Derbyn y lefelau codi tâl gyda'r ychwanegiadau canlynol
- Ffioedd & Thaliadau i gynnwys TAW
- Cyfraddau disgownt i'r sawl sydd eisoes yn defnyddio angorfeydd sef 40% ar ffioedd angori a Thollau Harbwr
- Disgownt rhagarweiniol o 30% ar holl daliadau i ddefnyddwyr newydd

- Disgownt i gael ei adolygu'n flynyddol gyda chymdeithasau defnyddwyr a Fforwm yr Harbwr
- Ddim yn credu y gall Cyngor sir Ddinbych godi Tollau Harbwr heb Orchymyn Trwydded Harbwr

9.4 **Cymdeithas Pysgotwyr Rhyl / Cymdeithas Sgiperiaid Siartr Rhyl (25/01/12)**

Cynhaliwyd un cyfarfod gyda chynrychiolwyr o'r ddwy gymdeithas yn bresennol.

- Cymeradwyo trefniadau angori dwy haen - angorfeydd ym mherchnogaeth Cyngor Sir Ddinbych a rhai a ddarperir gan Berchnogion
- Dylid codi tâl ar y gyfradd leol i holl gychod gweithio beth bynnag fo cyfeiriad y perchnogion gan fod y busnesau yn gweithio o Rhyl
- Cyfradd ddisgownt o 40% i ddefnyddwyr sydd yno eisoes a chyfradd ragarweiniol 30% i ddefnyddwyr newydd
- Dylid gohirio'r holl daliadau hyd Ebrill 2013 oherwydd y gwaith datblygu sydd ar y gweill i'r flwyddyn sydd i ddod

9.5 **Fforwm Harbwr y Foryd (06/02/12)**

- Derbyn y Ffioedd Angori fel y cynigir gyda'r newidiadau canlynol:
- Disgownt o 40% i ddefnyddwyr sydd yno eisoes
- Disgownt rhagarweiniol o 30% i ddefnyddwyr newydd
- Gohirio 100% hyd 31/3/13
- Disgownt i gael ei adolygu'n flynyddol
- Dylai unrhyw ddisgownt lleol fod yn gymwys i Fae Cinmel a Thowyn (wardiau 12 & 13 CCBC)
- Cynnig yng nghofnodion y cyfarfod:

'Cynnig: dylid gohirio taliadau am 12 mis, ond mae lefelau'r taliadau yn dderbyniol yn amodol ar y disgowntiau y cytunwyd arnynt, sydd i'w hadolygu'n flynyddol'

*Cynigydd: M Barker
Eilydd: J Povah*

9.6 **Bwrdd Harbwr y Foryd (09/02/12)**

- Barn gyffredinol y defnyddwyr oedd na ddylid codi taliadau am y 12 mis nesaf oherwydd y gwaith a fydd yn digwydd o gwmpas yr harbwr, yna disgownt o 40% i ddefnyddwyr sydd yno eisoes a disgownt o 30% i ddefnyddwyr newydd. Nid yw'r bwrdd yn cytuno gyda hyn. Argymhelliad y bwrdd yw y byddai gostyngiad o 50% i holl ddefnyddwyr yr harbwr yn rhesymol o ystyried y sefyllfa fel ag y mae ar hyn o bryd.

10. **Beth yw'r risgiau, ac a oes yna unrhyw beth y gallwn ei wneud i'w lleihau?**

- 10.1 Ymateb negyddol gan y sawl sydd eisoes yn defnyddio'r Harbwr. Bydd y sawl sydd eisoes yn defnyddio'r harbwr yn amharod i dalu am gyfleuster sydd wedi bod yn rhad ac am ddim hyd yma, er heb ei awdurdodi na'i reoli.
- 10.2 I leihau'r posibilrwydd o ymateb negyddol gan y sawl sydd eisoes yn defnyddio'r harbwr, cynhaliwyd ymgynghoriadau. Ymhellach, rhoddir gwybodaeth bellach i'r defnyddwyr yn eu hysbysu o'r angen i weithredu'r taliadau a'r rhesymau dros yr angen i sicrhau bod offer sydd ym mherchnogaeth breifat yn cyrraedd y safonau sy'n ofynnol. Wedi dweud hynny, mae'n bosibl na ellid dileu'r risg hwn yn gyfan gwbl.

11. Pŵer i wneud y Penderfyniad

Erthygl 6 o Gyfansoddiad y Cyngor

Swyddog Cyswllt:
Rheolwr Adfywiad a Datblygiad Morwrol
Ffôn: 01824 708407